

玉籙寶度晚朝儀

法事如式

各禮師存念如法

請宣神呪

五星高耀 瑞氣飛浮 元始集神 天地交周  
玉符寶節 嘯命微幽 擲火揚威 奸凶無留  
萬魔振伏 紛葩却消 摧怪滅惡 道炁周流  
神光照夜 陰翳俱收 萬神降格 扇景乘風  
羣生咸遂 惠徧神州 與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧  
香驛龍騎吏侍香金童傳言散花玉女五帝  
真符直日香官各三十六人出者嚴裝顯  
服冠帶垂纓關啓玄壇土地方域神真臣今  
晚朝陞壇行道謹奏為入意其諸忱悃已錄  
音聞願得  
太上十方至真道炁靈寶慧光下降流入臣  
等身中今臣所啟之誠速達徑御  
太上無極大道三清上聖昊天金闕玉皇上

帝東極慈尊青玄上帝道前

請稱法位

具位臣姓某與臨壇官眾等謹同獻上啓  
虛無自然至真無極大道元始天尊太上道  
君太上老君高上玉皇上帝紫微北極大帝  
紫微天皇上帝后土皇地祇東極青華大帝  
南極長生大帝無上玉帝玉虛上帝太微天  
帝少微天帝東華南極西靈北真玄都玉京  
金闕七寶瓊臺紫微上官靈寶至真明皇道  
君十方已得道大聖眾至真諸君丈人大慈  
大悲救苦真人救度真人大惠真人溘生真  
人普救真人香林會中法解真人三十六部  
尊經玄中大法師三天大法師靈寶經籍度  
三師真君正一嗣系女三師君三界官屬一  
切真靈恭望洪慈俯垂昭鑒臣聞無色無端  
祖炁妙凝於混沌成形成象真精煥落於洪  
濛因五大以開圖奠三靈而立極道遵元始  
光明洞輔之中教演虛皇化育堪輿之表無  
文不度有感斯通臣等運際  
明時緣逢慶會膺九清之玉牒佩三洞之瓊

文結交雲屬未符高步承疏塵路真悟玄宗  
籍師寶之相攜感帝恩之下燭尚寬責猶  
服真乘惟金科昭贊於仁風度人是切而玉  
律扶持於化日儕物為先凡有版投敢忘闕  
奏臣欽奉

論香崇修玉籙祇薦

某靈按如詞言備極胎切庸潔玄壇而闡事  
恭依玉籙以登齋奉奎壁於十華散金花於  
五界願垂睿鑒申行蕃敷敷制地祇有護衛  
送迎之喜超凌仙界得道遙快樂之天福利  
邦家恩沾寰宇以今晚朝陞壇行道請法眾  
等運茲初檢上香願此香煙騰空徑上供養  
無上至真道寶臣等皈身皈神皈命首體投  
地仰依

太上三尊十方眾聖願以是香切德資為

某靈恭願神遊紫極汎景玄虛陸芝蓋以疑  
真密扶

聖作躡蓮臺而縱步垂陰本枝今故燒香自  
皈依

師尊大聖眾至真之德得道之後保天長存

和與道合真

以今晚朝陛壇行道請法眾等運香三檢上香願此香煙騰空徑上供養

無上至真經寶臣等皈身皈神皈命首體投地仰依

太上三尊十方眾聖願以是香功德實為

其靈恭願進位仙階登真妙境步瑤臺而遊冥詣瓊圃以逍遙福果自然形神俱妙降宗枝於百世羽

寶祚於萬年今故燒香自皈依

師尊大聖眾至真之德得道之後身入無形和與道合真

以今晚朝陛壇行道請法眾等運香三檢上香願此香煙騰空徑上供養

無上至真師寶臣等皈身皈神皈命首體投地仰依

太上三尊十方眾聖願以是香功德實為

其靈恭願進位仙階登真妙境步瑤臺而遊冥詣瓊圃以逍遙福果自然形神俱妙降宗枝於百世羽

代學真靈元觀妙沖漠外真靈駕於瑤京

充悅道味真靈與於紫闕餐聽法音永證無為長祥有漏九幽靈爽均被既陶今故燒香

自皈依

師尊大聖眾至真之德得道之後永保長存

和與道合真

懺悔三禮同前

具位臣姓某與臨壇官眾等謹重誠上啓

太上無極大道元始天尊太上道君太上老君無上玄老十方已得道大聖眾至真諸君

丈人三十六部尊經玄中大法師天師君上相上宰上保上傳四司五帝十二卿相三界

官屬一切真靈恭望洪慈洞垂昭鑒臣聞清微布化敷七部以統天赤明開闢鎮五篇而

育物萬聖授度生之錄三元啓延景之恩今古承休天人稱慶是以齋崇玉籙爰遵藥笈

之科恩輅青玄式衛芝輪之澤恭願其靈飛玉津於東井澄淪心華揚金彩於南丹陶鑄

性識克登神於紫極水錫佑於皇家上願

天圓朗昊地紀安平經緯昭融風雲靜默五

兵偃戢萬邦殊仁壽之風百穀豐盈四海極

聖明之治圖書煥瑞文範同耀林樾棲真克

證六通之妙煙霞味道早符萬行之圓冥漢

幽沈飛潛動植均被既陶之澤瓊超輪轉之

機一切有情同登道岸則上明

天尊大慈之化下副臣等皈命之誠謹啓以

發願

存神燒香

香官使者左右龍虎君侍香諸靈官當今臣

向來晚朝陛壇行道之所自然生金液丹碧

之美百靈眾真交會在此香火爐前當願誠

意感通其靈昇度克證天真之果普資眾國

之恩十方仙童玉女接侍蘭壇傳臣向來所啓之誠速達徑仰

至真無極大道三清上聖昊天金闕玉皇上帝東極慈尊青主上帝道前

出堂頌

玉籙資度晚朝儀